

बर' / BODO

(मावथारनो गोनां) / (Compulsory)

सम थिखानाय : थाम घन्टा

Time Allowed : **Three Hours**

गासै नाम्बार : 300

Maximum Marks : 300

सोंथि बिलाइनि थिखानाय बिथोन

सोंथि बिलाइख्बौ फिननायनि सिगां गाहायाव होनाय बिथोनख्बौ मोजाडै फरायः

गासैबो सोंथिनि फिननाय हो ।

फिननायनि नाम्बारा सोंथिनि उनाव होखानाय दं ।

फिननायख्बौ बर' (देवनागरि हांखो) रावजों आरो सोंथि बायदियै हो ।

सोटोबनि थिखानाय बायदियै फिन आरो जुदि सोंथि बायदियै फिननाया गुसुं एबा गोलाव जायो अब्ला नाम्बारख्बौ दाननाय जागोन ।

फिन बिलाइनि आगसिथिं बिलाइयाव थानाय लांदं बिलाइख्बौ मोजाडै दाननानै होनांगोन ।

Question Paper Specific Instructions

Please read each of the following instructions carefully before attempting questions :

All questions are to be attempted.

The number of marks carried by a question / part is indicated against it.

Answers must be written in **BODO (Devanagari script) unless otherwise directed in the question.**

Word limit in questions, wherever specified, should be adhered to and if answered in much longer or shorter than the prescribed length, marks may be deducted.

Any page or portion of the page left blank in the Question-cum-Answer Booklet must be clearly struck off.

Q1. गाहायाव होनाय आयदानि सायाव जायखिजाया मोनसेनि रनसाय 600 सोदोबजों लिर : **100**

- (a) उपभगवादी (Consumerist) जिउ खुनायनि आसारखान्थि आरो आबहाववा (Environment)
- (b) मबाईल फॅननि गाज्रि आखल (Addiction)
- (c) अनलाइन (Online) सोलोंथाइनि थोयै-लोमै जानायनि थासारि (Limitation)
- (d) थिउरियाखान्थि : रोखोमसे जुजिनो हांखायनाय

Q2. गाहायाव होनाय खोन्दोखौ गोसो होना फराय आरो उनाव होनाय सोंथिफोरखौ रोखायै, गेबेडै आरो सुंदैवै फिन हो : **12×5=60**

जेब्ला सासे आबादारिआ दुब्लियाव खामानि माववो, बियो जाग्रा बेसाद आरो गोथां मुवा उद्धनगफोरनि थाखाय दिहुननो । खुनयानो जि-दग्रा मिल आरो पावार लुम (Power Loom) याव जि महर लायो । गारिफोरा बेसादफोरखौ दाबसे जायगानिक्राय गुबुन दाबसेयाव दैथाय लाडो । जों मिथिगौ दि जायखिजाया हादोरनि बोसोरसेयाव दिहुननाय गासै मुवा-बेसाद आरो जोथोन-लानायति गासै बेसेनखौ बेनि ग्रॅस दमेस्टिक प्रदाकट (Gross Domestic Product) बुनाय जायो । दैथायहरनाय समाव जों दाम मोनो आरो लाबोनाय समाव दाम होयो । जों बेयाव नुनो मोनो दि गुबै आयया मोजां एबा दानखैथाय एबा लाथिखै जानोबो हागौ । जेब्ला जों आय खालामनायखौ आजावना दाजाबयो अब्ला जों हादोरनि बोसोरसेनि ग्रॅस दमेस्टिक प्रदाकट (Gross Domestic Product) खौ मोननो हायो ।

हादोरनि दिहुनथायाव बिहोमा होनाय गासै मावथायखौ जों रांखान्थियारि मावथाय बुनाय जायो । जाय सुबुंफोरा रांखान्थि मावथायाव नंजाबफानानै थायो – गोजौ एबा गाहाय जायखिजाया याखोयाव मावनायब्लाबो बिसोरखौ स्मिक बुनाय जायो । जदि बिसोरनि सोरबाफोट देहानि जेनाफोर जैरै-लोमजानाय आरो जखम जानाय, गाज्रि बोथोर, फोर्बो एबा समाजारि आरो दोहोरोमारि रंजाथाय फोर्बोफोरनि थाखाय दैसे सम खामानि मावफैनो हाया जादोंब्लाबो, अब्लाबो बिसोरखौ स्मिक होननानै गनायनाय जायो । बे खामानिफोराव नंजाबफानानै थानाय गाहाइ स्मिकफोरखौ मदद होग्राफोरखौबो जों एरैबादि सानो दि जायफोरनो खामानिनि बदलै बिगोमा (employer) फोरा माबा मोनसेरांखेन्दा होनाय जायो बिसोरखौनो स्मिक बुनाय जायो । नाथाइ बेयो बेबादि नडा । जायफोरा गावखौ खामानियाव थिसननो बिसोरनो स्मिक ।

भारतयाव खामानिनि आखुथाया बां-मोखाडारि । माखासे मानसिफोरा बोसोरसेनि गासैसमावनो खामानि माववो आरो माखासे मानसिफोरा बोसोरसे नि बाडाय दानल' खामानि मोनो । गोबांसिन स्मिकफोरा गावसोरनि खामानि मावनायनि ज'खा हिसाबै मुजुरि मोना । गासै रांखान्थियारि मावथायाव नांजाबफानानै थानायफोरखौ कर्मसारिनि थाखोयाव लाफानानै स्मिकफोरनि बिसानखौ बुथुमनाय जायो । भारतनि स्मिक गोहोया 2011 – 12 माइथायाव हिसाब खालामनायाव मोननायनिक्राय 473 मिलियन मोन । हादोरनि गोबांसिन सुबुंफोरा गामि ओनचोलाव थायो हिसाबै, सहरनि स्मिक हानजानिखुइ गामिनि स्मिक हानजा नि रूजुथाया बांसिन । 473 मिलियन स्मिक फोरनि ब्रैबाहागोनि थाम बाहागो स्मिकफोरानो गामियारि ।

भारतयाव स्मिकसक्तिनि गेजेराव हौवा मानसिफोरानो गोबांसिन । बेखानि गामि ओनसोलाव गासै स्मिकसक्तिनि थाम बाहागोनि सेया आइजो स्मिक, सहरयाव खालि 20 जौखोन्दो आइजोफोरखौ स्मिक सक्तियाव बिहोमा होनायखौ नुनो मोनो । आइजोफोरा ओंखाम संनाय, दै लायनाय, बन बुथुमनायजों लोगोसे आबाद थिलियावबो खामानि माववो । बिसोरो मुजुरि हिसाबै नगद दोहोन एबा जाग्रा आदार मोना । बेफोर जाहोननि थाखायनो बिसोर आइजोफोरखौ स्मिकनि थाखोयाव सोस'न्नाय जाया । रांखान्थिगिरिफोरा लुबैयो दि बिसोरबादि आइजोफोरखौबो स्मिक होन्नानै गनायना लानांगौ ।

- | | |
|--|----|
| (a) सोरखौ स्मिक बुडो ? | 12 |
| (b) ग्र'स दमेस्टिक प्रदाकट्या मा ? | 12 |
| (c) भारतयाव साखि थिसन्नायनि आखुथाया मा ? | 12 |
| (d) सोर आइजोफोरखौ स्मिक हिसाबै ग'नायनाय जाया ? | 12 |
| (e) भारतयाव स्मिकसक्ति सुबुंनि रूजुथाया मा ? | 12 |

Q3. गाहायाव होनाय खोन्दोनिक्राय थाम बाहागोनि रो बाहागो गोलावनि मोनसे सुंदोब (Précis) लिर । लिरनायाव आयदानि बिमुं होनो नाडा । सुंदोबखौ गावनि राव जों लिर : 60

खम बुजिजानाय नाथाय बांसिन बाहायजानाय सोदोब मोननैया जादों सोदोमस्ति आरो हारिमु । बै समखौ सानबोलावरिजों नायहर जेब्ला सुबु समाजा अर मोदाय खौ लोगो मोनाखैमोन । नखरफमबो दिनैनि सानाव संना य खामानियाव अर बाहायो । जाय सुबुडा गिबि गिबि अर दिहुन जेनदों मोन, बिथाडा सासे गेदेमा दिहुनगिरि मोन । नडाब्ला सानबोलावरिजों बै समखौ नायहर जेब्ला सुबुं हारिया बिजि आरो खुन्दुं जों सिनायथि जायाखैमोन । जाय मानसिया थुखरासे लहाखौ बिजिनि महर होदों मोन विथाडा सासे गेदेमा दिहुन गिरि मोन ।

फैदो, बे मोननै बिदिन्थिनि बागै सावरायनि । गिबि बिदिन्थियाव मोननै बाश्रा दं : झेथिया जाबाय, सासे सुबुंआ अर दिहुननो हानायनि गोहो । नैथिया जाबाय अर दिहुनजेननाय । बे रोखोमैनो, नैथि बिदिन्थियाव मोननाय बाइदि बिजिखुन्दुंदिहुन जेननाया सेथियाव दं बिजि आरो खुन्दुं दिहुननो होनायनि गोहो । नैथियाव दं बिजि आरो खुन्दुं दिहुन जेननाय । जाय हारोंथाय, गोझो जानाय आरो थुन्मानायनि सायाव बिथा खालामना अर आरो बिजि खुन्दुं खौ दिहुनजेननाय जादोंमोन, बेनो जादों बै सुबुनि हारिमु । आरो बे हारिमुजों जाय मुवाखौ दिहुनजोबनाय जादोंमोन, बै सुबुडा गावनि आरो गुबुननि थाखाय जाय मुवा दिहुन दों बेनो सोदोमस्ति ।

सासे हारिमु गोनां मानसिया माबा मोनसे गोदान दिहुनो; नाथाय बिथांनि फिसाफिसौफ्रा बे दिहुननाय फोरखौ गोसी जाया जासे उव मोनथाइ महरै मोनो । जाय सुबुनि बुद्धि एबा बिजिरना नायनाय गोहोवा मोनसे गोदान सैथो नुनो मोनो, बिथाडानो सासे थार हारिमु गोनां सुबुं । नाथाय बिथांनि फिसा फिसौ जायफ्रा बेखौ गोसो जाया जासे उन मोनथाइ महरै मोनदों, बिसोर सोट्रोम जानो हागौ, नाथाय बिसोरखौ हारिमु गोनां सुबुं बुनो हाया । मोनसे गोदान बिदिन्थि लानि कै । निडरना गेजेर बोगथाबमा गोहो खौ दिहुनदों मोठ । बिथाडा सासे हारिमु गोनां सुबुं मोन । मुवा बिगियान नि फरायसाया आथिखालाव निडटननि गेजेर बोगथाबमा गोहोनि सुबनि बागै मिबथिगौ, नाथाय बेजों लोगोरो गोबां बाश्रा मिबथिगौ जायजों निडटनहा सिनामथि गेया मोन । थेवल्लाबो मुवा बिगियाननि फरायसाखौ बांसिन सोट्रोम बुनो हायो, नाथाय निडटननि खुइ हारिमु गोरोसिन बुनो हाया ।

जानो हागौ, अर दिहुननायनि आन्दोआव उखैनायानो मोनसे थुन्मामोन । बिजि आरो खुन्दुं दिहुननायाव जानो हागौ बिदुं आरो गुसुनिक्राय गावखौ रैखाथि होनाय, देहाखौ साजायनाय मोनसे जुनिया आखाय दडमोन । दा सानबोलीवरि जों नाय जायनि उदैया आबुं आरो सोलेराफांथे जानाय जेब्ला बियो लानदां अख्रां रिडाव थायो आरो थिरबिरायनाय हाथर्खि नुयो हरनि अख्राडाव, बियो उन्दों हाया, मानोना बियो बेखौ मिबथिनो लुबैयो मुखुथाजों बुंफबनाय बे खांसिया मा । उदै सुफुनो लुबैनाय आरो देहाखौ फांथेना दोननो लुबैनाया हारिमुनि बिमा (गुदि) नडा । जाय सुबुडा थरैनो हारिमु गोनां, बिनि उदैआ आबुं जानानै दं आरो देहाया पंथेजाना दं ब्लाबो आखाय हमथुमना ज'ना थानो हाया । जोंनि सोदोमस्ति गुवार बाहागोखौ जों मोननो हादों बै हारिमु गोनां सुबुं फोरनि फ्राय, जायनि बद'आ गाहायै बायजो आरि बेसादारि जाथायनि गोहोमाव गोलैदों । नाथाय माखासे बाहागोखौ जों मोनदों साद एबा गिमानि मानसिफोरनिक्राय — जायफ्रा खायफा थि जाथायनि जाहोन मिबथिगौ, जेबो बेसादारि थुन्माजों गाग्लोबजायाखै, गावनि द्विडारि स्वाभाविग हारिमुनि जोहै । जाय सादु एबा गियानि सुबुडा हरनि अख्राडाव हाथर्खि नुना उन्दुनो हायाखै मोन बिथाडायो दिनैनि यियाननि गिबि दिन्थिना होग्रा ।

(सोदोब : 464)

Q4. गाहायनि फराखौ इंराजिसिम लां :

20

समा बेसेन गोसा । मोगथाडाव, समानो मुलुगाव मोनसेल, मुवा, जाय सिमागोनां । नों न' गोमाजायोबा, बेखौ मोनफिननो हागोन । नाथाय सम गोमाना लायोबा, बेखौ मोनफिननो हाया ।

जों जिउवाव माबा मावनो लूबैयोब्ला, जों माबा मोनसे जानो लूबैयोब्ला, जों माबा मोननो लूबैयोब्ला, जों समखौ साबसिन राहायै बाहायनो सोलोंनां गोन । समखौ थि राहायै बाहायनानै जों बे गासैबो मुवाखौ मोनजोब नो हायो, जायखौ जों मोननो लूबैयो ।

बुंनाय जायो, “समानो रां” । नाथाय बे बाश्राया आबुडै सैथो नडा । सैथोआ जाबाय, समा मोनसे जानोहाथाव सम्पद ल’ । नों जुदि थि राहायै सम खौ बाहायो, अब्लाला’सो नों सम्पद खामायनो हागोन । गुबुन फासेथिं, नों जुदि नोंनि समखौ गात्रि राहायै बाहायो (थां हो गारो) अब्ला नों सम्पद आर्जिनो हानाय सम्भावना खौ फोजोबना लायो । नों जेब्ला थि राहायै सम बाहायनायनि बागै साग्रिद जाना थायो, नों समखौ ओरैनो बाहायगारनायखौ बन्द खालामगोन । समखौ मोजां सिन राहायै बाहामनो हानायनि लामा नागिरनो हमगोन । नों सम समाव बांसिन खामानि मावनो हानायनि लामा नागिरनो हमगोन । नों जुदि सम सामलाय नो लूबैयो, अब्ला नों साग्रां गोसोखौल’ बाहाया, सिसांग्रां गोसो खौ बाहायगोन । सम समाव बांसिन खामानि मावनायनि लामा नागिरनायाव नों माबोरै जाफुंसाइगोल, बेनि गोदान राहा फोरखौ बेयोल, खोन्थागोन ।

Q5. गाहायाव होनाय खोन्दोखौ बरैयाव राव सोलाय :

20

We cannot deny the importance of games in life as games make a person sound in body and mind. Society expects of a person to fulfil all his duties, for which it is important for him to keep healthy. He may be very intelligent, but his intelligence is of no use if he is not healthy. In some ways, the human body is like a machine. If it is not made use of, it starts to work badly. People who are not fit grow weak; they become more prone to disease. Any form of game is useful, if it gives the body an opportunity to take regular physical exercise. Playing encourages the spirit of sportsmanship. It enables one to deal with life's problems in a wise and natural manner. The important thing in playing is not the winning or the losing, but the participation. We have to remember some other things about playing games. First, it is the physical exercise that is important for health, not the games themselves, and there are other ways of getting this. Is not India the home of yoga ? When we think of the phrase — a healthy mind in a healthy body — we should not forget that it is the mind which is mentioned first. And if we let games become the most important thing in our lives, then we undermine the importance of the mind.

Q6. गाहायाव होनाय सॉलुफोरनि फिन हो :

$10 \times 4 = 40$

- (a) गाहायाव होनाय बाथ्राफोरखौ मोनसे सोदोबजौं फोरमाय : **$2 \times 5 = 10$**
- (i) ना गुय्या आइजेंनि मुं _____ 2
(ii) न'नि ऊखुमनिफ्राय दै गोग्लैग्रा जायगा _____ 2
(iii) अमा आदार होग्रा आइजें _____ 2
(iv) खुन्दुफानग्रा आइजें _____ 2
(v) खेराइनि खामानिखौ दैदेनग्रा हिनजाव _____ 2
- (b) गाहायाव होनाय बाथ्रा फान्दायखौ ओंथि होनानै बाथ्रा दा : **$2 \times 5 = 10$**
- (i) आखाइ मुथु 2
(ii) मेगन मोख्वेब 2
(iii) आखाइ गुवार 2
(iv) मेगन सा 2
(v) खर' फुर 2
- (c) गाहायनि दाजाबदाखौ बाहायनानै मोननै मोननै बाथ्रा दा : **$2 \times 5 = 10$**
- (i) _____ सुला 2
(ii) _____ साव 2
(iii) _____ खौ 2
(iv) _____ बाय 2
(v) _____ नि 2
- (d) गाहायाव होनाय बाथ्रा फावखौ गुवारै बेखेव : **$5 \times 2 = 10$**
- (i) आदारबो होयो नावद्राबो बुयो 5
(ii) मालायनि मोनजाब्ला दाबखा उदै 5